

# **VEDTEKTER FOR UTVIKLINGSFOND FOR NAUSTDAL – GJENGEDAL LANDSKAPSVERNOMRÅDE**

Vedteke av

Gloppen kommunestyre	Sak K-035/11	20.06.2011
Jølster kommunestyre	Sak KST-024/11	21.06.2011
Førde bystyre	Sak BY-039/11	29.09.2011
Naustdal kommunestyre	Sak K-052/11	01.09.2011

## **§ 1. HEIMEL OG KAPITAL.**

Grunnkapitalen i fondet er pr 01.01.2010 på 10 mill kr innbetalt av staten som følge av opprettinga av Naustdal – Gjengedal landskapsvernområde. Fondet er felles for Gloppen, Jølster, Førde og Naustdal kommune.

Fondskapitalen kan plasserast på renteberande konto og/eller i aksjar eller fond til høgast mogleg rente. Inntil 6 millionar kroner kan plasserast i aksjar eller fond. Vertskommunen sitt finansreglement avgjer endelig plassering.

**Fondet skal indeksregulerast årleg gjennom bruk av avkastninga for fondet.** Restbeløp etter indeksregulering skal nyttast til tilskot. Dei åra det ev ikkje blir utbetalt tilskot frå fondet, kan midlane disponerast til tilskot påfølgande år.

## **§ 2 FØREMÅL**

Avkastning av fondet skal nyttast til næringsutvikling, fellestiltak og tiltak for ålmenta i nærområdet til, eller innafor Naustdal – Gjengedal landskapsvernområde. Tiltaket skal primært vere basert på utnytting av verdiane i verneområdet innafor gjevne verneregler og forvaltningsplan.

## **§ 3 TILHØVET TIL INTERNASJONALE FORPLIKTELSAR MOT OFFENTLEG STØTTE**

Bruken av fondet skal vere i samsvar med det internasjonale regelverket om offentleg tilskot som Noreg har slutta seg til.

## **§ 4 FONDSFORVALTNING**

Fondet er interkommunalt og kommunelova sine reglar for interkommunalt samarbeid blir lagt til grunn for val av forvaltningsløysing, ref lova sin § 28c, e, f og h – k.

### **Vertskommune-samarbeid**

Fondet skal administrerast etter reglane om vertskommune-samarbeid, sjå kommunelova sin § 28.-1. Gloppen kommune skal vertskommune.

Det er utarbeidd eigen samarbeidsavtale mellom dei fire kommunane. Avtalen er datert 01.02.2011 og kan berre bli endra av kommunestyra i dei fire kommunane. Det må vere full semje før ev endringar kan bli gjennomført.

### **Oppgåver for vertskommunen**

Den daglege administrasjonen av fondet er lagt til Gloppen kommune v/ rådmannen.

Fondsadministrasjonen skal mellom anna:

- Ta i mot og registrere søknader om tilskot, syte for å greie ut søknadene forsvarleg om tildeling frå fondet

- Ta i mot og registrere ev klager på vedtak om tilskot, syte for å greie ut saka forsvarleg
- Følge opp gjennomføring av tiltak som er tildelt tilskot frå fondet

### **Felles folkevald nemnd**

Det blir oppretta felles folkevald nemnd som skal styre arbeidet med fondet. Nemnda skal ha 9 medlemmer, 4 av desse representerer grunneigarane. Reglar for oppnemning og fordeling av medlemmene går fram av samarbeidsavtale mellom kommunane datert 01.02.2011.

Kostnader med administrasjon av fondet kan **ikkje** blir dekt av avkastninga frå fondet.

### **Klagebehandling**

Tildelingar frå fondet er enkeltvedtak etter forvaltningslova. Klagebehandling skal skje etter kommunelova sine reglar, ref lova sin § 28 g

## **§ 5 ÅRSMELDING / ÅRSRAPPORTERING**

Vertskommunen skal rapportere årleg til dei 4 kommunestyra om arbeidet med forvaltning av fondet

Rapporten skal innehalde:

- oversikt over kven som har søkt tilskot
- oversikt over kven som har fått tildelt tilskot
- oversikt over gjevne avslag på tilskot
- oversikt over klager og resultatet av klagehandsaminga
- utbetalte tilskot
- avslutta tilskotssaker
- inndrege tilskot
- rekneskap for fondet.

## **§ 6 GODKJENNING OG ENDRING AV VEDTEKTER**

Vedtekten og seinare vedtektsendringar skal godkjennast av kommunestyra i Naustdal, Førde, Jølster og Gloppen.

Framlegg til endring av vedtekter kan fremjast av kommunestyret i ein kommune.

## **§ 7 STØTTEFORMER**

Midlane frå fondet kan gjevast som eingongstilskot og eller tilskot fordelt over fleire år. I hovudsak skal tilskot kunne gjevast til:

- Utgreiingsarbeid
- Marknadsundersøkingar
- Kompetanseoppbygging
- Oppstart-tilskot nye bedrifter
- Investering i bygg og anlegg
- Investering i varige driftsmidlar
- Investering i utstyr
- Driftstilskot i oppstartfase

- Tiltak innafor beitebruk
- Tiltak for fisk og vilt

Lista er ikkje uttømmande.

## **§ 8 STØTTEVILKÅR**

Støtte kan gjevast til:

- Grunneigarar og grunneigarsamanslutningar med rettar innanfor Naustdal – Gjengedal landskapsvernområde.
- Lag, organisasjonar og andre som ønskjer å utvikle verdiar i område i samarbeid med rettshavarar innanfor Naustdal – Gjengedal landskapsvernområde. Samarbeid krev skriftelege avtale.

Støtte kan gjevast med inntil 70% av budsjetterte kostnader for tiltaket. I særlege tilfeller kan det gjevast 100% støtte til eit tiltak.

Det skal setjast høvelege vilkår ved tildeling av støtte frå fondet.

## **§ 9 KUNNGJERING AV SØKNADSFRIST OG KRAV TIL SØKNAD M.V.**

Søknad skal utformast i samsvar med Innovasjon Noreg sine retningslinjer for søknad om tilskot.

Søknadsfristen er 15 mars. Søknadsfristen skal gjerast kjend i god tid ved lysing i dagspressa. Søknadsfrist og vedtekter for fondet skal vere lett tilgjengeleg på kommunane sine heimesider.

Søknadene skal handsamast utan unødig opphold. Vedtak om tildeling avmidlar skal meddelast sokjar innan 20. juni.

Vedtak om tildeling avmidlar skal stadfestast med eit tildelingsbrev der vilkåra for tildelinga og bruken av midlane kjem klart fram.

Det skal utarbeidast eige søknadsskjema og standard tildelingsbrev.

## **§ 10 TILSEGNSPERIODE**

Tilsegn om tilskot vert gjeve for 2 år med fastsett arbeidsfrist. Ved særlege tilhøve kan det, etter søknad, bli godkjent ein lengre gjennomføringsperiode.

Dersom tiltaket ikkje er starta opp seinast 12 mnd etter at tilsegn er gjeve, fell vedtak om tilsegn bort.

Dersom tiltak innan arbeidsfristen berre er delvis fullført, kan utbetalt tilskot heilt eller delvis krevjast tilbake

## **§ 11 UTBETALING AV TILSKOT**

Innvilga tilskot blir utbetalt etter skriftleg oppmoding og skriftleg dokumentasjon av utgifter.

Dersom sluttutgiftene er mindre enn i søknaden, blir tilskotet tilsvarende avkorta.  
Tilskot opp til kr 10.000 blir utbetalt etter gjennomført prosjekt. Ved tilskot over kr 10.000  
kan administrasjonen i spesielle tilfelle og etter søknad innvilge delutbetaling.

*Versjon 2- datert 31012013*